

Ellbogn-Menschn

Jäzdz kimm i,
wos wuisd DU do?
Mugg ned rum,
de Gosch moi hoid,
und sei grod schdaad
bisd eh so dumm.

I bin da Besde
und woas wia´s gähd
hob s´Schnial dabei,
zum wiggl'n fesd
um oan Finga
beim Chef so glei.

Drängln kun i
schau rechd frech
schiab den Wong,
mid Luxus voi
häif da Oma
auf koan Foi drong.

Fahr midn Audo
duach a Lagg
de gwiis ned gloa,
a Tussi mid Hund
am Rande schdähd
ma head an Schroa.

Wos is´n a Zeid
soi ma de hom?
Wo griagd ma de hea,
es iss doch egal
ob´s da andre brauchd
wo ea´s hod so schwea.

D´Rügsichd ned kenn´
de Voasichd is fremd
s´wichdigsde iis,
i bin da Besde
übaroi gfrogd
ganz sicha und gwiis.

Wos juggd mi de oane

wos gradzd mi da andre
zwoa Ell-bogn hob,
wenn´s nua dru henga
neba dem G´rúsd
saggrisch waar´s schod!

© Teresa Ruebli

© **Teresa Ruebli**

Diese PDF wurde erstellt durch das [Schreiber Netzwerk](#)